

**2016-imi aningaasanut inatsisissatut siunnersuut**

pillugu

**Inatsisartut Aningaasaqarnermut Akileraartarnermullu Ataatsimiititaliaata**

**ILASSUTITUT ISUMALIUTISSIISUTAA**

Inatsisissatut siunnersuutip pingajussaaneerpeqarnerani saqqummiunneqartoq

Aningaasaqarnermut Akileraartarnermullu Ataatsimiititaliaq suliarinninnermini kingullermik ukuninnga inuttaqarpoq:

Inatsisartunut ilaasortaq Jens Immanuelson (Siumut) siulittaasoq

Inatsisartunut ilaasortaq Steen Lyngé (Atassut) siulittaasup tullia

Inatsisartunut ilaasortaq Jess Svane (Siumut)

Inatsisartunut ilaasortaq Tillie Martinussen (Demokraatit)

Inatsisartunut ilaasortaq Naaja H. Nathanielsen (Inuit Ataqatigiit)

Inatsisartunut ilaasortaq Sara Olsvig (Inuit Ataqatigiit)

Inatsisartunut ilaasortaq Peter Olsen (Inuit Ataqatigiit)

**Imarisaanut nalunaarsuut:**

1. Aallaqqaasiut.....	4
2. Aningaasaqarnermut Akileraartarnermullu Ataatsimiititaliap apeqputai/oqaaseqaatai aalajangersimasut – suliassaqarfinnut agguataarlugit .....	8
3. Aningaasaliissutininut allannguutissatut siunnersuutit .....	9
3.1. Sammisag 10 – Pingajussaaneerinninnissamut teknikikkut allannguutit.....	10
3.2. Sammisag 11 – Pingajussaaneerinninnissamut missingersuutininut sunniuteqanngitsumik allannguutit.....	11
3.3. Sammisag 12 – Pingajussaaneerinninnissamut isertitaqarnerunissamik inatsisitigullu aningaasartuutininut pissussaaffigisanit naatsorsuutit nutaat.....	12
3.4 Sammisag 13 – Pingajussaaneerinninnissamut aningaasartuuteqarnerunissamik kissaatit .....	13
3.5 Sammisag 14 – Pingajussaaneerinninnissamut aaqqissuusseqqinnerit sunniutaat .....	14
3.6 Sammisag 15 – Pingajussaaneerinninnissamut kontomi pingaarnermi 20.11.56-imi, Missingersuutininik iluarsineq, allaffissorneq, atugassanngortitsineq.....	14
3.7 Sammisag 16 – Akitsuutit aamma aalisarnermi isumalluutininik akileraarusersuineq.....	15
3.8 Sammisag 17 – Ingerlatsinermit tapiissutitullu aningaasaliissutininut sipaarutit .....	15
3.9 Sammisag 18 – Usinik assartuineq.....	16
3.10 Sammisag 19 – Kontomi pingaarnermi 20.11.56-imi, Missingersuutininik iluarsineq, allaffissorneq, iluarsineq .....	16
5. Aningaasaqarnermut Ataatsimiititaliap inassuteqaatai .....	21

**Ilanngussanut takussutissiaq:**

- P Naalakkersuisut aningaasaliissutinut allannguutissatut siunnersuutaat 13. november 2015-imeersut. (Allannguutissatut siunnersuutit nr. 66-213).
- Q Naalakkersuisut oqaasertaliussanut allannguutissatut siunnersuutaat 13. november 2015-imeersut. (Allannguutissatut siunnersuutit nr. 214-217).
- R Ataatsimiititaliat tusarniaanermut akissutaat kiisalu aningaasanut inatsisissatut siunnersuummut ataatsimiititaliat oqaaseqaataannut Naalakkersuisut akissutaat.
- S Aningaasaqarnermut, Aatsitassanut Nunanullu Allanut Naalakkersuisumik siunersiuinis-samut aggeqqusissut 15. novemberimeersoq kiisalu tassunga atatillugu siunersiuinermut allakkiaq.

## **1. Aallaqqaasiut**

Aningaasanut inatsisissatut siunnersuut Inatsisartunit pingasunngornermi ulloq 11. november 2015-imi aappassaaneerreqarpoq. Siunnersuummik aappassaaneerinninnermi siunnersuut Aningaasaqarnermut Akileraartarnermullu Ataatsimiititaliamit suliareqqitassanngorlugu innersuunneqarpoq.

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinut isumaqatigiinniarnertit tunngavigalugit Naalakkersuisut allannguutissatut siunnersuutit 152-inik ulloq 13. november 2015-imi saqqummiussipput. Taakkunannga 148-t aningaasaliissutinut allannguutissatut siunnersuutaapput, tak. ilanngussaq P, sisamallu oqaasertaliussanut allannguutissatut siunnersuutaallutik, tak. ilanngussaq Q.

Tamanna tunngavigalugu aningaasanut inatsisissatut siunnersuutit Inatsisartunit pingajussaneerreqarnissaanut Aningaasaqarnermut Akileraartarnermullu Ataatsimiititaliaq matumuuna ilassutitut isumaliutissiissuteqarpoq.

### ***1.1. Inatsisartut ataatsimiititaliaasa akuutinnerat***

Ukiut siulii assigalugit aningaasanut inatsimmik sularinninnermi Inatsisartut ataatsimiititaliaat Aningaasaqarnermut Ataatsimiititaliaq akuutinniarsimavai. Tamanna tunngavigalugu ataatsimiititaliaq Naalakkersuisunut aallarniutaasumik apeqqutaasa taamatullu Naalakkersuisut akissutaasa assilineri Inatsisartut ataatsimiititaliaannut ataatsimiititaliamit nassiunneqarput. Aningaasanut inatsisissatut siunnersuutit saqqummiunneqartup naliliiffiginissaanut taama periarfissinneqarneq ataatsimiititalianit arlalinnit ilassilluarneqarpoq. Tamanna akissutinik atorluarneqarsinnaasunik pissarsiviusimavoq, taakkulu inatsisissatut siunnersuutit pingajussaneerreqarnissaanut ataatsimiititaliamit sularineqarput.

Ataatsimiititaliaq isummersuutaat Naalakkersuisullu akissutaat ilanngussaq R-mut ilanngunneqarput.

Aappassaaneerinninnissamut isumaliutissiissummini ajuusaarutiginninnini ataatsimiititaliaq uteqqissavaa. Naalakkersuisut akissutaasa kalaallisuunngortinneri pisut ilaanni kingusissukkat nassiunneqartarnerat imaluunniit nassiutinngitsuunneqartarnerat assut ajornartorsiutitaqartut ataatsimiititaliamit isigineqarpoq. Taamaattoqarnerata ataatsimiititaliami sulinerup ingerlannarneranut assut ajornakusoortitsivoq. Pisortatigoortumik oqaatsinik Naalakkersuisut pimoorusinnginnerisa akuersarneqarsinnaannginnera ataatsimiititaliamit Naalakkersuisunut erseqqissaatigissavaa. Ataatsimiititaliamit nangaassutigineqanngilluinnarluni oqaatigineqassaaq suliassat amerlasuutigut annertullutillu pisariusut pisortatigoortumik oqaatsit atorlugit nassiunneqartassammata. Allamiut oqaasii atorlugit suliassat annertullutillu pisariusut pisariaqanngitsumik piffissamik atuiffiusariaqarnerat naammaginngitsutut isigineqarpoq.

Naalakkersuisut sulineranni ajornartorsiut taanna uteqqiattuimmat ilisimagini aningaasanut inatsisissatut siunnersuutip aappassaaneerneqarnissaanut isumaliutissiissummini ataatsimiititaliaq allappoq. Taamaattumillu ataatsimiititaliamit kaammattuutigineqaqqissaaq suliassaqarfiup pingaarutillip taassuma nukittorsarneqarnissaanut Naalakkersuisut iliuseqartariaqartut.

Sanaartornermut tunngasunut atatillugu Sanaartornermut Ataatsimiititaliaq arlalinnik apeqqut-eqarpoq. Aammalu aappassaaneerinninnermut atatillugu apeqqutinut akissutitut saqqummiunneqartunut akissutini Sanaartornermut Ataatsimiititaliap nassiuppai. Sanaartornermut Ataatsimiititaliaq allappoq:

*“Aningaasaqarnermut Akileraartarnermullu Ataatsimiititaliamut*

*Ataatsimiititaliap apeqqutaanut Naalakkersuisut akissutaat Sanaartornermut Ataatsimiititaliap tiguai ullorlu 12. november ataatsimiinnermini oqaluuseralugit.*

*Konto pingaarnermut 86.60.01-imut, peqqinnissaqarfimmu tunngasumut, akissutit pillugit ataatsimiititaliamit Aningaasaqarnermut Akileraartarnermullu Ataatsimiititaliamut makku immikkut oqaaseqaatigiumaneqarput:*

*Akissutit ataatsimiititaliamit naammagineqanngimmata oqaatigineqassaaq, taakkumi apeqqutigineqartunut sanilliullutik naapertuutinngitsutut tamakkiisuunngitsutullu isigineqarmata.*

*Taamaattumillu ataatsimiititaliaq isumaqarpoq aaqqiissutissanik allanik aammalu 7,5 mio. kr.-init siusinnerusukku immikkoortinneqartunit maannalu 4,5 mio. kr.-init immikkoortinneqartunit akikinnerusumik nassaartoqarsinnaasariaqartoq. Tassunga atatillugu oqaatigineqartariaqarpoq nunaqarfik inuerukkiartupiloormat, taamaattumillu kommuni suleqatigalugu aaqqiissutaasinnaasumik nassaartoqartariaqarluni.*

*Sanaartornermut Ataatsimiititaliamit aamma oqaatigiumaneqarpoq Illorsuarni illut isaterneqartariaqarnerpaajunerat uppernarsisinneqartutut isigineqanngimmat. Taamaallunilu suliassaqarfimmi immikkoortumut pilersaarut ujartorneqarpoq ataatsimiititaliarlu isumaqarpoq taanna pigineqalersinnagu taama annertussusilinnik nutaamik aningaasaliissuteqartoqartariaqanngitsoq. Taamaallunilu ataatsimiititaliamit kaammattuutigineqassaaq kommuni suleqatigalugu illumik siunertamut atorneqartussanngorlugu iluarsaanneqarsinnaasumik nassaarniartoqassasoq.*

*Sanaartornermut Ataatsimiititaliaq sinnerlugu*

*Anders Olsen  
Siulittaasoq*

Tamatuma saniatigut Naalakkersuisut akissutaannut tunngatillugu Aningaasaqarnermut ataatsimiititaliaq ima oqaaseqaateqassaaq:

Konto pingaarnermut 72.20.10-mut, usinik assartuinnermut tunngasumut, Sanaartornermut Ataatsimiititaliap oqaaseqaatai Naalakkersuisunit oqaaseqarfigineqanngillat. Tele Greenland A/S Sanaartornermut Ataatsimiititaliamit eqqaaneqarmat Naalakkersuisut ingerlatseqatigiiffinnut Namminersorlutik Oqartussanit pigineqartunut piginnittutut perusiat Aningaasaqarnermut Ataatsimiititaliamit paasiumaneqarpoq. Tamatumani ingerlatseqatigiiffik ingerlalluarnepaaq, Tele Greenland A/S, aammalu ingerlatseqatigiiffik ataatsimiititaliamit ukiuni kingulerni qanimut malinnaaffigineqartoq, Great Greenland A/S, ingammik eqqarsaatigineqarput.

Suliassaq nr. 080.40.054-imut, Sisimiuni nuna tamakkerlugu innarluutilinnut sungiusarfimmut tunngasumut, Sanaartornermut Ataatsimiititaliap oqaaseqaataanut tunngatillugu aningaasaliissuteqarnissamik suliaq 2013-imi ukiakkut ataatsimiititaliamit sularineqartoq Aningaasaqarnermut Ataatsimiititaliamit innersuussutigineqassaaq. Suliaq Aningaasaqarnermut Ataatsimiititaliamit akuerineqarmat Aningaasaqarnermut Ataatsimiititaliamit paasissutigineqassaaq. Suliaq pillugu aalajangiinnerminut ull. 9. november 2013-imi allakkamini ataatsimiititaliaq allappoq Naalakkersuisut inassuteqaataannik akuersissutiginninneq matuma kinguliani allassimasutut paasinnilluni oqaaseqaateqarlunilu pisoq:

*“Aningaasaliissutaasut iluini piviusunngortinneqarsinnaanngimmat nuna tamakkerlugu piginnaanngorsarfiup, suliassaq nr. 060.40.045, Kommuneqarfik Sermersooq peqatigalugu pilersinnissaa iluatsissimanngitsoq Naalakkersuisut paasissutissiissutigaa. Aningaasat suliassamut nutaamut nr. 080.40.054-imut, Sisimiuni nuna tamakkerlugu innarluutilinnut piginnaanngorsarfimmut tunngasumut, nuunneqarnissaat Naalakkersuisunit qinnutigineqarpoq. Tamatuma saniatigut suliassaq nr. 996.40.052-imut, Assigiinnigitsuni nuna tamakkerlugu paaqqinniffinnut, 2013-imut tunngasumut, immikkut aningaasaliussat 6,8 mio. kr.-iusut suliassamut nutaamut atugassiissutiginerisigut aningaasalersuineq pivoq.*

*Pisariaqannigitsumik kinguarsaanissaq pinngitsoortinneqarsinnaaqqullugu sanaartornermi aningaasartuutissatut naatsorsuutigineqartut eqqornerusumik takutinneqarsinnaanngorlugit missingersuusiornertik pimoorunneroqqullugu Naalakkersuisut ataatsimiititaliamit kaammattorneqarput.*

*Kiisalu aningaasaliissutissat nunamut tamarmut siaruarnissaanik kissaateqarnermut taarsiullugu suliassat isiginiarneqarnerunissaat ataatsimiititaliamit kaammattuutigineqarpoq.”*

Tamatuma kingorna Sanaartornermut Ataatsimiititaliap apeqqutaa Naalakkersuisullu akissutaat Aningaasaqarnermut Ataatsimiititaliamit tusaatissatut tiguneqarput.

Inuussutissarsiornermut Ataatsimiititaliap oqaaseqaatai Sanaartornermut Ataatsimiititaliap oqaaseqaatai assigalugit Naalakkersuisut akissuteqaataannut ilanngullugit ilanngussaq R-itut ilanngunneqarput. Naalakkersuisut akissuteqaataannut tunngatillugu Aningaasaqarnermut Ataatsimiititaliamit oqaatigineqassaaq sanaartorerup nalaani Kalaallit Nunaata unammiller-sinnaassuseqarnerunissaa periarfissikkumallugu suliniutit angisuut pillugit inatsimmi atugas-sarititaasut siamasissumik nittarsaanneqarnissaat konto pingaarnerup taaneqartup kisiat siunertarimmagu ataatsimiititaliamit pitsaasutut isigineqarmat. Taamaattumillu suliniutit ataa-siakkaat nittarsaanneqarnerisa aningaasalersorneqarnissaat konto pingaarnerup siunerta-rinngilaa.

Eqqissisimatitsinermit Avatangiisinullu Ataatsimiititaliap oqaaseqaatai Naalakkersuisut akissu-taannut ilanngullugit ilanngussaq R-itut aamma ilanngunneqarput. Eqqissisimatitsinermit Avatangiisinullu Ataatsimiititaliap apeqqutai soqutiginaateqarlunnartutut Aningaasaqarnermut Ataatsimiititaliamit isigineqarput. Kiammik sinneruttumik pisariaqanngitsumik maangaan-nartitsineq pinngitsoortinneqartariaqartoq ataatsimiititaliaq isumaqarpoq. Kiisalu nukissiuutitik ataavartunik atunerup siuarsarneqarnissaa Naalakkersuisunit soqutigineqarmat ataatsimiitita-liamit assorsuaq naammagisimaarneqarpoq. Innaallagissiorfinnik dieselitortunik pisariaqar-titsinerup annikillisinnerata aammalu kiaap atorluarneqanngitsup annikillisinnerat saniatigut pinngortitamut mianerinnittunut aningaasalersuinerit sulissanut suliffissallu siuarsaavigi-neqarnerannut peqataaqataassapput.

### ***1.2 Allannguutissatut siunnersuutit***

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinut isumaqatigiinniarnert tunngavigalugit Naalakkersuisut allannguutissatut siunnersuutitik 152-nik ulloq 13. november 2015-imi saqqummiussipput. Taakkunannga 148-t aningaasaliissutitut allannguutissatut siunnersuutaapput sisamallu oqaa-sertaliussanut allannguutissatut siunnersuutaallutik.

AIS2016-ip appassaaneerneqarnerani pingajussaaneerneqarneranilu IST-p IS-illu inerneranut sunniutissat tamarmiusut takussutissiami matuma kingulianiittumi takutinneqarput.

Malugeqquneqarpoq sinneqartoortit saaminni minusimik nalunaarneqarmata.

<b>Aningaasat mio. kr.-inngorlugit.</b>	<b>2016</b>	<b>2017</b>	<b>2018</b>	<b>2019</b>
<b>AIS2016-imi IST-p inernera</b>	<b>36,5</b>	<b>79,8</b>	<b>-55,3</b>	<b>-135,8</b>
<b>AIS2016-imi IS-ip inernera</b>	<b>65,1</b>	<b>62,9</b>	<b>-26,2</b>	<b>-102,7</b>
Aappassaaneerinninnermi allannguutissatut siunnersuutit IST-p inerneranut sunniutaat	99,3	1,9	3,9	7,1
Aappassaaneerinninnermi allannguutissatut siunnersuutit IS-p inerneranut sunniutaat	27,3	-12,5	8,4	11,6
<b>Aappassaaneerinninnermi IST-p inernera</b>	<b>135,8</b>	<b>81,6</b>	<b>-51,3</b>	<b>-128,7</b>
<b>Aappassaaneerinninnermi IS-p inernera</b>	<b>92,5</b>	<b>50,3</b>	<b>-17,8</b>	<b>-91,2</b>
Pingajussaaneerinninnermi allannguutissatut siunnersuutit IST-p inerneranut sunniutaat	-35,7	-7,7	-12,8	-7,3
<b>Pingajussaaneerinninnermi IST-p inernera</b>	<b>100,1</b>	<b>73,7</b>	<b>-64,1</b>	<b>-136,0</b>
<b>Pingajussaaneerinninnermi IS-p inernera</b>	<b>56,8</b>	<b>42,5</b>	<b>-30,6</b>	<b>-98,4</b>

Takussutissiami siuliani allassimasut naapertorlugit allannguutissatut siunnersuutit saqqummiunneqarnermittut akuerineqassappata aappassaaneerinninnissamut pingajussaaneerinninnissamullu allannguutissatut siunnersuutit ilanngullugit 2016-imut aningaasanut inatsisip inernera tassaassaaq **IS-mi 56,8 mio. kr.-inik amigartooruteqarneq**. Piffissaq 2016-2019 tamaat isigalugu **IS 29,7 mio. kr.-inik sinneqartoorfiussaaq**. Piffissaq 2016-2019 tamaat isigalugu **IST** annikinnerusumik katillugit 26,3 mio. kr.-inik sinneqartooruteqarfiussaaq.

## **2. Aningaasaqarnermut Akileraartarnermullu Ataatsimiititaliap apeqputai/oqaaseqaatai aalajangersimasut – suliassaqarfinnut agguataarlugit**

Naalakkersuisut allannguutissatut siunnersuutaasa allat siuliani taaneqartut aammalu ataatsimiititaliat apeqqutaannut Naalakkersuisut akissutaasa kiisalu aningaasanut inatsisissatut siunnersuummut oqaaseqaataasa itisilerneqarnissaat siunertaralugu Aningaasaqarnermut, Aatsitasanut Nunanullu Allanut Naalakkersuisoq siunersiorneqarnissamut ataatsimiititaliamit aggersarneqarpoq. Siunersuinissamut aggeqqusissut Naalakkersuisullu oqaasiisa allattorsimaffiat isumaliutissiissummut ilanngussaq S-tut ilanngunneqarput.

Soraarnerussutisiaqarnermut tunngasuni aqqissuusseqqinnerit akuerineqartinnagit sukumii-sumik sularineqartarnissaat assut pingaaruteqartoq Aningaasaqarnermut Ataatsimiititaliamit oqaatigineqassaaq aammalu soraarnerussutisiassanut akilersuutitik akileraarusersuinerup siuar-



tinneqarnissaa pillugu inatsisissamut missingiutip takunissaa ataatsimiititaliamit qilanaarineqarpoq. Suliassaq taanna annertullunilu pisariusussaq ataatsimiititaliamit qanimut malinnaavigineqassaaq.

Naalackersuisut akissutaasa aammalu siunersiorneqarnermini oqaasiisa allattorsimaffiisa kalaallisuunngortinneri pisut ilaanni kingusissukkut nassiunneqartarnerat imaluunniit nassiutinngitsuuinneqartarnerat assut ajornartorsiutitaqarnerarlugu oqarnini ataatsimiititaliap matumani uteqqissavaa.

### 3. Aningaasaliissutitut allannguutissatut siunnersuutit

Siusinnerusukkut taaneqareersutut Naalackersuisut aningaasaliissutitut allannguutissatut siunnersuutitut nutaanik 148-nik aammalu oqaasertaliussanut allannguutissatut siunnersuutitut sisamanik saqqummiussipput.

Taamaalillunilu pingajussaaneerinninnissamut allannguutissatut siunnersuutit katillutik 152-iupput.

Aningaasaliissutitut allannguutissatut siunnersuutit sammisanut ukununga immikkoortinneqarsimapput:

- sammisaq 10 Pingajussaaneerinninnissamut teknikikkut allannguutit: allannguutissatut siunnersuutit 11-t
- sammisaq 11 Pingajussaaneerinninnissamut missingersuutitut sunniuteqanngitsumik allannguutit: allannguutissatut siunnersuutit 6-it
- sammisaq 12 Pingajussaaneerinninnissamut isertitaqarnerunissamik inatsisitigullu aningaasartuutitut pissussaaffigisanit naatsorsuutit nutaat: allannguutissatut siunnersuutit 3-t
- sammisaq 13 Pingajussaaneerinninnissamut aningaasartuuteqarnerunissamik kissaatit: allannguutissatut siunnersuutit 10-t
- sammisaq 14 Pingajussaaneerinninnissamut aqqissuusseqqinnerit sunniutaat: allannguutissatut siunnersuutit 7-t
- sammisaq 15 Pingajussaaneerinninnissamut kontomi pingaarnermi 20.11.56-imi, Missingersuutitut iluarsineq, allaffissorneq, atugassanngortitsineq: allannguutissatut siunnersuutit 3-t
- sammisaq 16 Akitsuutit aamma aalisarnermi isumalluutitut akileraarusersuineq: allannguutissatut siunnersuutit 6-it
- sammisaq 17 Ingerlatsinermit tapiissutitullu aningaasaliissutitut sipaarutit: allannguutissatut siunnersuutit 100-t
- sammisaq 18 Usinik assartuineq: allannguutissatut siunnersuutit 1

- sammisaq 19 Kontomi pingaarnermi 20.11.56-imi, Missingersuutiniq iluarsineq, allaffisorneq, iluarsineq: allannguutissatut siunnersuut 1

Allannguutissatut siunnersuutit tamarmik Naalakkersuisunit saqqummiunneqarput. Aningaasaliissutitut takussutissiaq Naalakkersuisut allannguutissatut siunnersuutaannut saarlinnngorlugu ilanngunneqarpoq, taannalu ilassutitut isumaliutissiissummut ilanngussa P-tut ilanngunneqarpoq.

### **3.1. Sammisaq 10 – Pingajussaaneerinninnissamat teknikikkut allannguutit**

Qulequttami tassani allannguutissatut siunnersuutiniq 11-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2016-imi ukiumilu missingersuusiorfiusuni ataatsimut isigalugu IST-mut sunniuteqassanngillat.

Tamatamani ilaatigut konto pingaarnermut 89.72.12-imut, inissialiassanut taartissanillu inissialiortitsinermut tunngasumut, allannguutissatut siunnersuummik konto pingaarnerp ataani aningaasat immikkoortitat suliassanut nutaanut arlalinnut nuunneqarnerannik kinguneqartunik saqqummiussisoqarpoq. Nuussinikkut ilaatigut Narsami, Qaqortumi, Paamiuni, Nuummi, Maniitsumi, Sisimiuni Aasiannilu inissiat attartortittakkat aserfallassimasut isaterneqarnissaannut aningaasanik immikkoortitsisoqarpoq.

#### Konto pingarneq 40.94.28 Nunatsinni tusagassiutitut naqitanut suliniutitut tapiissutit

Ataatsimiititaliami ikinnerussuteqartut Inuit Ataqtigiit ilaasortaatitaasa siunnersuummut tunngatillugu oqaatigissavaat Naalakkersuisut tusagassiutitut politikiat ersernerluttut isigigitsik. Suliniutitut tapiissutitut ersarinngitsumik siunertalinnut aningaasanik atuisoqarnera ikinnerussuteqartut ajuusaarnartippaat. Aningaasaliissutit uku aqqutigalugit siunertaq anguneqarsinnaanersoq ikinnerussuteqartut assut qularutigaat. Ikinnerussuteqartut taarsiullugu siunnersuutigaat aningaasat kontomut pingaarnermut 40.94.28-mut “Nunatsinni tusagassiutitut naqitanut tapiissutit”-nut nuunneqassasut. Ataatsimiititaliami ikinnerussuteqartut isumaqarput taamaaliornikkut nunatsinni tusagassiorfiit tamatigoortuunissaannik amerlasuujunissaannullu kissaat anguneqarsinnaanerusoq.

(Allannguutissatut siunnersuut nr. 71)

Konto pingarneq 40.92.28, nunatsinni tusagassiutitut naqitanut suliniutitut tapiissutit, atorunnaarsinneqassasoq aammalu 1,542 mio. kr.-it konto pingaarnermut 40.94.29-mut, Nunatsinni tusagassiutitut naqitanik ingerlatsinermut tapiissutitut tunngasunut, nuunneqassasut Inuit Ataqtigiit siunnersuutigaat. Aningaasat sinneri IST-mut 500.000 kronenik pitsanngoriaataassapput.

Ataatsimiititaliami ikinnerussuteqartut Inuit Ataqtigiit ilaasortaatitaasa tamassumunnga allannguuteqarlersaarput.

Konto pingaarneq 64.10.17 Nunami inuussutissarsiutinut takornariartitsinermullu tapiissutit  
Visit Greenlandip salliutinneqarnissaanik Aningaasaqarnermut Ataatsimiititaliatut piumasaqaa-  
terput tusarniarneqarsimammat iluarisimaaramiuk ataatsimiititaliap oqaatigissavaa.

Konto pingaarneq 64.10.27 Inuussutissarsiutit ineriartortinnerinut pilerisaarinernullu suliniutit  
Missingersuusiornermut inatsimmi ilanngaattissat ilanngaatigereernagit periutsip avaqqunne-  
qartannginnissaanik Aningaasaqarnermut Ataatsimiititaliap piumasaa ersarissoq Naalak-  
kersuisunit tusarniarneqarsimammat iluarisimaaramiuk ataatsimiititaliap oqaatigissavaa.

Allannguutissatut siunnersuutinut ataasiakkaanut Aningaasaqarnermut Ataatsimiititaliap  
ilassutitut oqaaseqaatissaqanngilaq.

Sammissaq 10-p ataani allannguutissatut siunnersuutit nr. 66-imit 70-imut aammalu 72-imit 76-  
imut **akuerineqassasut** Aningaasaqarnermut Akileraartarnermullu Ataatsimiititaliamit **inassu-  
tineqarpoq.**

Sammissaq 10-p ataani allannguutissatut siunnersuut nr. 71 **akuerineqassasoq** Ataat-  
simiititaliami amerlanerussuteqartut Siumup, Demokraatit Atassutillu ilaasortaataannit  
**inassutineqarpoq.**

Sammissaq 10-p ataani allannguutissatut siunnersuut nr. 71 **itigartinneqassasoq** Ataat-  
simiititaliami ikinnerussuteqartut Inuit Ataqatigiit ilaasortaataannit **inassutineqarpoq.**

### **3.2. Sammissaq 11 – Pingajussaaneerinninnissamut missingersuutinut sunniuteqanngit- sumik allannguutit**

Qulequttami tassani allannguutissatut siunnersuutinik 6-inik Naalakkersuisut saqqummiussip-  
put. Allannguutissatut siunnersuutit taakku ukiumi aningaasanut inatsiseqarfiusumi 2016-imi  
ukiunilu missingersuusiorkiusuni ataatsimut isigalugu IST-mut sunniuteqassanngillat.

Sammissami tassani ilaatigut konto pingaarnermut 40.40.01-imut, Ilinniartitaanermut Aqutsiso-  
qarfimmuut tunngasumut, aningaasanik nuussinissaq qinnutigineqarpoq, tassa Meeqerivit-  
sialammik ingerlatsineq suliniummut tapiissuteqarnertut pinnani Ilinniartitaanermut Aqutsi-  
soqarfiup ataani ingerlatsinermi ataavartumik suliassanngortinneqarnissaa kissaatigineqarmat.  
Kiisalu konto pingaarnermit 64.01.04-mit, piginnaasanik ineriartortitsiviusumik pikkorissar-  
nermut tunngasumit, konto pingaarnermut 20.11.70-imut, suliniutinut nutaanut tunngasumut, 3,0  
mio. kr.-it nuunneqarnissaat qinnutigineqarpoq, tamatumani aningaasanut inatsit pillugu  
isumaqatigiinniarnert kingulliit kingunerisaattut inuusuttunut suliffeqarnerup ilinniartaanerullu  
ataqatigiissumik aqqiussuussap avataaniittunut aqutissiuussiniarluni suliniutinut aningaasanik  
immikkoortitsisoqarluni.

Konto pingaarneq 20.11.70 Suliniutinut nutaanut sillimmatit

Ataatsimiititaliami ikinnerussuteqartut Inuit Ataqtigiit ilaasortaataasa siunnersuummut tunngatillugu oqaatigissavaat siunnersuutip pingajussaaneernejarnissaanut Naalakkersuisut allannguutissatut siunnersuummik saqqummiussinissaasa piunasaqaatigineqarnissaa pisariaqartoq, tamatumani missingersuutinut ilanngussami erseqqissaatigineqassalluni 3 mio. kr.-inik aningaasaliissutit folkehøjskolinut, efterskolinut isumaginnikkullu ingerlatanut inuusuttunik ilinniartitaanerup suliffeqarnerullu avataani suliaqartunut sammitineqassasut.

Kontomi pingaarnermi matumani aningaasat folkehøjskolinut, efterskolinut isumaginnikkullu ingerlatanut inuusuttunik ilinniartitaanerup suliffeqarnerullu avataani suliaqartunut sammitineqarnissaat pillugu allannguutissatut siunnersuummik ataatsimiititaliami ikinnerussuteqartut Inuit Ataqtigiit ilaasortaataat saqqummiussippat. Siunertamut tassunga 5 mio. kr.-inik allanik immikkoortitsisoqassasoq Inuit Ataqtigiit siunnersuutigaat. 5 millionit taakku kontomit pingaarnermi 64.13.23-mit, Piareersarfinnut tunngasumit, tiguneqassapput. Taamaallunilu konto pingaarneq 64.13.23 5 millioner kroninik appaavineqassaaq.

Inuit Ataqtigiit allannguutissatut siunnersuutaat siuliani taaneqartoq isumaliutissiissummut matumunnga ilanngussaq T-tut ilanngunneqarpoq. Aningaasaliissutinut allannguutissatut siunnersuut taanna 220-mik normoqarpoq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilasutitut oqaaseqaatissaqanngilaq.

Sammissaq 11-p ataani allannguutissatut siunnersuutit nr. 78-imit 82-imut **akuerineqassasut** Aningaasaqarnermut Akileraarnermullu Ataatsimiititaliamit **inassutigineqarpoq**.

Sammissaq 11-p ataani allannguutissatut siunnersuut nr. 77 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataasa **inassutigaat**.

Sammissaq 11-p ataani allannguutissatut siunnersuut nr. 77 **itigartinneqassasoq** ataatsimiititaliami ikinnerussuteqartut Inuit Ataqtigiit ilaasortaataasa **inassutigaat**.

### **3.3. Sammissaq 12 – Pingajussaaneerinninnissamut isertitaqarnerunissamik inatsisitigullu aningaasartuutinit pissussaaffigisanit naatsorsuutit nutaat**

Qulequttami tassani allannguutissatut siunnersuutinik pingasunik IST-p inerneranut 2016-imi 33,0 mio. kr.-inik, 2017-imi 23,0 mio. kr.-inik aammalu 2018-imi 2019-imi 18 mio. kr.-inik pitsanngoriaataasussanik Naalakkersuisut saqqummiussippat.

Sammissami tassani kontomi pingaarnermi 24.10.10-mi, nuna tamakkerlugu akileraarummut tunngasumi, isertitassatut missingikkat 2015-ip qaammataani kingullerni inummut akile-

raarutinin ingerlaavartumik akilersuisitsisimanerup nassatarisaanik qummut iluarsineqarnissaat qinnutigineqarpoq. Kiisalu konto pingaarnermi 24.11.12-imi, raajanut akitsuutitut tunngasumi, isertitassatut missingikkat qaffanneqarnissaat qinnutigineqarpoq, tassa AIS 2016-ip aappassaaneernejarnerani raajartassiissutit 83.000 tonsiunissaat naatsorsuutigineqarsimasoq maanna raajartassiissutit 87.000 tonsiunissaat missingersuutigineqarmat.

Sammissaq 12-ip ataani allannguutissatut siunnersuutit nr. 83-imit 85-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

### **3.4 Sammissaq 13 – Pingajussaaneerinninnissamut aningaasartuuteqarnerunissamik kissaatit**

Qulequttami tassani allannguutissatut siunnersuutit 10-inik Naalakkersuisut saqqummiussipput.

2016-imi aningaasanut inatsisissamut tunngatillugu isumaqatigiinniarnerni angusat kiisalu ilaasunik angallassinermi kiffartuussinissamik il.il. isumaqatigiissutit sivitsorneqarnerat tunngavigalugit suliniutit arlallit sammisami matumani aningaasanik immikkoortitsivigineqarput.

#### Konto pingaarneq 72.20.05 Ilaasunik angallassinermut tapiissutit

2016-imi kiffartuussinissamut isumaqatigiissutit sivitsorneqarnerannut atatillugu billetsit akii qaffariaateqarsimanersut siunnersuutip pingajussaaneernejarnerani paasissutissiissutigineqasasoq ataatsimiititaliamit kissaatigineqarpoq. Taamaassimappat aningaasanut inatsisip akuerineqarneranut atatillugu aningaasat tamakkiisut soq qinnuteqaatigineqarsimannginnersut, taarsiulluguli akinik qaffaanissaq soq toqqarneqarsimanersoq Naalakkersuisunit nassuiaatigineqasasoq ataatsimiititaliamit kissaatigineqarpoq.

#### Konto pingaarneq 20.05.31 Kommunini aningaasartuutaanerusussanut immikkoortitat

Tamanna pillugu allannguutissatut siunnersuummik Inuit Ataqtigii saqqummiussipput.

Sammissaq 13-ip ataani allannguutissatut siunnersuutit nr. 87-imit 95-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 13-ip ataani allannguutissatut siunnersuut nr. 86 **akuerineqassasoq** ataatsimiititaliami amerlanerusuteqartut Siumup, Demokraatit Atassutillu ilaasortaataasa **inassutigaat**.

Sammissaq 13-p ataani allannguutissatut siunnersuut nr. 86 **itigartinneqassasoq** ataatsimiititaliami ikinnerussuteqartut Inuit Ataqtigii ilaasortaataasa **inassutigaat**.

Allannguutissatut siunnersuut nr. 221 **itigartinneqassasoq** ataatsimiititaliami amerlanerusuteqartut Siumup, Demokraatit Atassutillu ilaasortaataasa **inassutigaat**.

Allannguutissatut siunnersuut nr. 221 **akuerineqassasoq** ataatsimiititaliami ikinnerussuteqartut Inuit Ataqtigiit ilaasortaataasa **inassutigaaat**.

### **3.5 Sammisag 14 – Pingajussaaneerinninnissamut aaqqissuusseqqinnerit sunniutaat**

Qulequttami tassani allannguutissatut siunnersuutinik 7-inik Naalakkersuisut saqqummiussipput. Allannguutissatut siunnersuutit taakku IST-p inerneranut 2016-imi 13,510 mio. kr.-inik, 2017-imi 0,4 mio. kr.-inik, 2018-imi 10,6 mio. kr.-inik aammalu 2019-imi 5,2 mio. kr.-inik pitsanngoriaataassapput.

Sulisinnaajunnaarnerisutit, utoqqalinermi soraarnerussutisiat ineqarnermullu tapiissutit pillugit Inatsisartut inatsisaasa nutaat aningaasaqarnikkut kingunerisassaannut aningaasat AIS 2016-imi immikkoortinneqartut sammisami matumani atugassiissutigineqarput. Sammisap nassataraa missingersuutit pitsanngoriarnerat, tamatumunngalu ilaatigut tunngaviuvoq aningaasartuutissatut missingikkanik nutarterineq, aammali sulisinnaajunnaarnerisat aningaasartuutissaannut kommunitut ataatsimoortumik tapiissutinut ilaatinneqartunut aningaasat kommunit akiliutissat AIS 2016-imi aningaasat immikkoortinneqartut atugassiissutigineqarneranni ilaapput.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 14-ip ataani allannguutissatut siunnersuutit nr. 96-imit 102-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

### **3.6 Sammisag 15 – Pingajussaaneerinninnissamut kontomi pingarnermi 20.11.56-imi, Missingersuutinik iluarsineq, allaffissorneq, atugassanngortitsineq**

Qulequttami tassani allannguutissatut siunnersuutinik 3-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2016-imi IST-p inerneranut 3,0 mio. kr.-inik ajorseriaataassapput ukiunilu missingersuusiorfiusuni IST-mut sunniuteqassanatik.

Allakkanik digitalikkut allagarsisarnissamut ikaarsaarnissaq'-mik suliniutip AIS 2016-imit atugassiissutigineqarnissaa qinnutigineqarpoq. Atugassiissutiginnineq 2016-imi 3,0 mio. kr.-inik missingersuutinut ajorseriaataassaaq, tassa suliniut siusinnerusukkut naatsorsuutigineqartutut 1. januar 2016-imi allartinneqarnani ukiup ingerlanerani kingusinnerusukkut aallartinneqassammat.

Sammisag 15-ip ataani allannguutissatut siunnersuutit nr. 103-mit 105-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

### 3.7 Sammisag 16 – Akitsuutit aamma aalisarnermi isumalluutinik akileraarusersuineq

Qulequttami tassani allannguutissatut siunnersuutinik 6-inik Naalackersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2016-imi IST-p inerneranut 13,4 mio. kr.-inik aammalu ukiumi missingersuusiorfiusuni tamani 30,9 mio. kr.-inik ajorseriaataassapput.

Isertitassatut sillimmatit sinneri 54,5 mio. kr.-it konto pingaarnemit 24.13.50-imit, akileraartarnermi akitsuusiisarnermilu isertitaqarnerulernissamut sillimmatinut tunngasumit, atugassiisutigineqarnissaat sammisami matumani qinnutigineqarpoq. Aammalu sukkunut, qummorootaatinut snusinullu akitsuutit ilanngunneqarnissaat qinnutigineqarpoq. Kiisalu akitsuusiinisamik siunnersuutit Inatsisartunit akuerineqarnerisa kingorna qaleralinnut, avaleraasartuunut, ammassassuarnut ammassannullu akitsuutit nutaat ilanngunneqarnissaat qinnutigineqarpoq.

Sammisag 16-ip ataani allannguutissatut siunnersuutit nr. 106-imit 111-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

### 3.8 Sammisag 17 – Ingerlatsinermit tapiissutitullu aningaasaliissutinit sipaarutit

Qulequttami tassani allannguutissatut siunnersuutinik 100-nik Naalackersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2016-imi IST-p inerneranut 15.169 mio. kr.-inik, 2017-imi 14,9 mio. kr.-inik, 2018-imi 14,7 mio. kr.-inik aammalu 2019-imi 14,6 mio. kr.-inik pitsanngoriaataassapput.

Ingerlatsinermit tapiissutitullu aningaasaliissutinit ukiumut 20 mio. kr.-inik sipaaruteqarnissap atugassiisutigineqarnissaa sammisag 17-imi qinnutigineqarpoq. Sipaarutit partiit naalackersuisooqataasut aningaasanut inatsimmut atatillugu isumaqatigiissuteqarnerisa inerneraat. Kiisalu suliniummut 'videokkut isiginnaarutit attaveqaatit atorneqarnerulernissaat' ukiumut 5 mio. kr.-it atugassiisutigineqarnissaat qinnutigineqarpoq. AIS 2016-imi suliniut konto pingaarnemi 20.11.56-imi, missingersuutinik iluarsiiarnermi allaffissornermut tunngasumi, missingersuutigineqarpoq. 2017-imit sinneruttut 3 mio. kr.-it suliniutip ataani missingersuutigineqartut sammisag 19-ip ataani atugassiisutigineqarnissaat qinnutigineqarpoq.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilasutitut ima oqaaseqaateqassaaq.

Sipaarutissatut toqqarneqartunut Naalackersuisunit oqaasertaliunneqartut Inuit Ataqtigiit paasisinnaangilaat. Taamaattumik allannguutissatut siunnersuummik eqqornerusumik takutitsisumik paasinarnerusumillu oqaasertalersugaasumik Naalackersuisut nassiussinissaat Inuit Ataqtigiit kissaatigaat. Allannguutissatut siunnersuutit matuma kinguliani allassimasut angalanermut annertunerusumik aningaasartuutitaqanngitsut taamaattumillu “video atorlugu attaveqatigiinnerup” atorneratigut aningaasani immikkoortinneqartuni sipaaruteqarnissaq naatsorsuutigineqarsinnaanngitsoq Inuit Ataqtigiit ilimagaat:

149, 166, 173, 174, 177, 178, 182, 183, 189, 199, 200, 201, 204, 209, 210, 211

Tamatuma saniatigut suliassaqarfinni makkunani sipaaruteqartoqarniarnera Inuit Ataqatigiit politikikkut isumaqatiginngilaat: 135, 165, 206 (ICC; højskolit aammalu inuit pisinnaatitaaffii pillugit siunnersuisoqatigiit). Inuit Ataqatigiit isumaqarput immikkoortut avataaneersut taakku sipaarfiussanngitsut.

Sammissaq 17-ip ataani allannguutissatut siunnersuutit nr. 112-imit 134-mut, 136-mit 164-imut, 166-imit 2015-imut aamma 207-imit 211-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 17-ip ataani allannguutissatut siunnersuutit nr. 135, 165 aamma 206 **akuerineqassasut** Ataatsimiititaliami amerlanerussuteqartut Siumup, Demokraatit Atassutillu ilaasortaatitaannit **inassutigineqarpoq**.

Sammissaq 17-ip ataani allannguutissatut siunnersuutit nr. 135, 165 aamma 206 **itigartinneqassasut** Ataatsimiititaliami ikinnerussuteqartut Inuit Ataqatigiit ilaasortaatitaannit **inassutigineqarpoq**.

### 3.9 Sammissaq 18 – Usinik assartuineq

Qulequttami tassani allannguutissatut siunnersuummik ataatsimik Naalakkersuisut saqqummiussipput. Allannguutissatut siunnersuut taanna ukiumi aningaasanut inatsiseqarfiusumi 2016-imi IST-p inerneranut 16,0 mio. kr.-inik pitsanngoriaataassaaq ukiumilu missingersuusiorfiusuni IST-mut sunniuteqassanani.

Konto pingarnermi 72.20.10-mi, usinik assartuinnermut tunngasumi, 2016-imi aningaasaliissutit 16,0 mio. kr.-inik ikilineqarnissaat missingersuutigineqarpoq. Ikilinerat AI 2015-imi oqaasertaliussaq naapertorlugu aningaasaliissutissatut 2015-imi akiliutigeqqusanut naapertuuppoq. Royal Arctic Line A/S-ip nunaqarfinnut umiarsuassai nutaat suli tiguneqanngimmata siunertamut aningaasaliissutissanut 2015-imi akiliutigeqqusat atorneqarnissaat suli pisariqartinneqarsimangilaq. Kiffartuussinerup qaffasissusissaa kiffartuussinissamut isumaqatigiissummiittoq aningaasaliissutit ikilisinneqarnerannit sunnerneqassanngilaq.

Sammissaq 18-ip ataani allannguutissatut siunnersuut nr. 212 **akuerineqassasoq** Aningaasaqarnermut Akileraartarnermullu Ataatsimiititaliamit **inassutigineqarpoq**.

### 3.10 Sammissaq 19 – Kontomi pingarnermi 20.11.56-imi, Missingersuutininik iluarsineq, allaffissorneq, iluarsineq

Qulequttami tassani allannguutissatut siunnersuummik ataatsimik Naalakkersuisut saqqummiussipput. Allannguutissatut siunnersuut taanna ukiumi aningaasanut inatsiseqarfiusumi 2016-



imi IST-p inerneranut 2,5 mio. kr.-inik ajorseriaataassaaq ukiunilu missingersuusiorfiusuni tamani IST-p inerneranut 14,8 mio. kr.-inik pitsanngoriaataassalluni.

'Ingerlatsinermut tapiissutitullu aningaasaliissutinit sipaarutit' 14,8 mio. kr.-it 2017 aallarnerfigalugu sammisami matumani ilanngunneqarput. Ingerlatsinermut tapiissutitullu aningaasaliissutit aningaasanut inatsimmi akinut akissarsianullu iluarsiivigineqartut 1 %-iisa annertoqataannik sipaaruteqartoqarpoq. Taakkununga ilanngunneqanngilaq suliaasaqarfik 01, kommuninut ataatsimoortumik tapiissutit, aserfallatsaaliuineq aammalu peqqinnissaqarfimmi suliniutit pillugit konto pingaarnernut tunngasut. Aamma ilinniartitaanermut tunngatillugu suliaasaqarfiup 40-p ataani konto pingaarnernut aningaasaliissutit affaannaat ilaatinneqarput, tamannalu EU-mut isumaqatigiissummut atatillugu isigineqassaaq. Tamatuma saniatigut konto pingaarnernup 20.11.56-ip, missingersuutini iluarsiinermi allaffissornermut tunngasup, ataani suliniutip 'videokkut isiginnaarutit attaveqaatit atorneqarnerulernissaat' ataani missingersuutigineqartunit sinneruttut 3 mio. kr.-it 2017-imeersut suliniummut 'Ingerlatsinermut tapiissutitullu aningaasaliissutinit sipaarutit' nuunneqarnissaat qinnutigineqarpoq, taamaalillunilu 2017-imit katilugit 17,8 mio. kr.-it ukiumut sipaarutigineqarnissaat missingersuutigineqarluni. Sipaarutissat siunnerfilikkanik sipaaruteqarnikkut AIS 2017-imut ilanngunneqarnissaat tunngavissaatinneqarpoq.

Kiisalu suliniutip 'Namminersorlutik Oqartussat IT-mut tunngatillugu isumaqatigiisutaasa Digitaliseeriinermut Aqutsisoqarfimmi eqiterunneqarnerat' ataani sipaarutissatut naatsorsuutigisat 2016-imit 2,5 mio. kr.-inik ikilineqarnissaat qinnutigineqarpoq. Ikilineqarnerannut pissutaavoq suliniut siusinnerusukkut naatsorsuutigineqartutut 1. januar 2016-imi ingerlanneqassanngimmat. Taarsiullugu suliniut 2016-ip qiteqqunneranit tamakkiisumik sunniuteqalertussatut maanna naatsorsuutigineqarpoq.

Sammissaq 19-ip ataani allannguutissatut siunnersuut nr. 213 **akuerineqassasoq** Aningaasaqarnermut Akileraartarnermullu Ataatsimiititaliamit **inassutigineqarpoq**.

#### **4. Oqaasertaliussanut allannguutissatut siunnersuutit**

##### **4.1. Naalakkersuisut oqaasertaliussanut allannguutissatut siunnersuutaat**

Naalakkersuisut katillugu 4-nik oqaasertaliussanut allannguutissatut siunnersuuteqarput. Allanguutissatut siunnersuutit taakku 214-imit 217-imut normoqarput. Oqaasertaliussanut allanguutissatut siunnersuutit aningaasanut inatsisissatut siunnersuummi *Ilanngussaq 2*-mut attuumassuteqarput. Taakku isumaliutissiisummi ilanngussaq Q-tut ilanngunneqarput.

Taakkuni ilaatigut pineqarpoq Aasianni ilinniartut ineqarfiisa aserfallassimasut qaffasinnerpaamik neqerooruteqartumut tunineqarnissaannut Naalakkersuisut piginnaatinneqarnissaat. Ilinniartut ineqarfiisa pineqartut iluarsaanneqarnissaat naapertuussorineqanngilaq. Tunisinermi isertitat ilassutitut aningaasaliissuteqarnissamik qinnuteqarnermikkut Naalakkersuisut konto pingaarnermi 84.40.15-imi, ilinniartut inaannik sanaartornermut tunngasumi, Aasianni ilinni-

artut inaannik sanaartornissamut pilersaarutiniq allartitsinissamut atorneqarnissaat qinnutigissavaat.

Oqaasertaliussanut allannguutissatut siunnersuutit nr. 215-imit 217-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Oqaasertaliussanut allannguutissatut siunnersuut nr. 214 **akuerineqassasoq** Ataatsimiititaliami amerlanerussuteqartut Siumup, Demokraatit Atassutillu ilaasortaataannit **inassutigineqarpoq**.

Oqaasertaliussanut allannguutissatut siunnersuut nr. 214 **itigartinneqassasoq** Ataatsimiititaliami ikinnerussuteqartut Inuit Ataqtigiit ilaasortaataannit **inassutigineqarpoq**.

#### **4.2. Inatsisartuni partiit oqaasertaliussanut allannguutissatut siunnersuutaat**

Oqaasertaliussanut allannguutissatut siunnersuummik ataatsimik Inuit Ataqtigiit saqqummiussipput. Allannguutissatut siunnersuut (nr. 218) Naalakkersuisut oqaasertaliussanut allannguutissatut siunnersuutaannut nr. 214-imut attuumassuteqarpoq.

##### **Nr. 218.**

##### **“Suliassaqaarfimmut 20 – 24-mut Aningaasaqarnermut Naalakkersuisoqarfik Akileraartarnermullu Aqutsisoqarfik**

Oqaasertaliussat uku ilanngunneqarnissaat qinnutigineqarpoq:

”Konto pingaarnermi 20.01.08-mi, Eqqartuussisutigoortitsinerit aningaasaliissutit, eqqartuussivimmi suliat, Aningaasaqarnermut Naalakkersuisoqarfik Akileraartarnermullu Aqutsisoqarfik, eqqartuussivimmi suliat, taarsiiffineqarnissamik suliat il.il. suliassanngortinneqartut aningaasartuutitaat tamarmik akilerneqartarput. Aningaasat 1.000.000 koruuninik amerlanerusut atugassiissutigineqarnissaat sioqqullugu Aningaasaqarnermut Akileraartarnermullu Ataatsimiititaliamut saqqummiunneqassapput.”

##### **Suliassaqaarfimmut 20 – 24-mut, Aningaasaqarnermut Naalakkersuisoqarfik aamma Akileraartarnermut Aqutsisoqarfik oqaasertaliussat, nassuiaatit**

Oqaasertaliussat uku ilanngunniarneqarput:

”Akileraartarnermut akiliisitsiniartarnermullu tunngasut, tassunga ilanngullugit eqqartuussisutigoortitsinerit, akiliisinnaajunnaarnermik nalunaarutiginninnerit il.il. Aningaasaqarnermut Naalakkersuisoqarfimmit akisussaaffineqarput. Konto pingarneq una pilersinneqarpoq akiliisinnaajunnaarnermik nalunaarutiginninnerit il.il. kingunerisaannik suliassanngortut kiisalu Akileraartarnermut Siunnersuisoqatigiit aalajan-

gigaasa eqqartuussivikkoortumik aalajangiiffigeqqinniagassanngortinnis-saannut aningaasalersuinissaq qulakkeerniarlugu.

Oqaasertaliussaq nutaajuvoq.”

Aningaasaqarnermut Ataatsimiititaliami amerlanerussuteqartut Siumup, Atassutip Demokraattillu ilaasortaataaasa **inassutigaaat** oqaasertaliussanut allannguutissatut siunnersuut nr. 218 **itigartinneqassasoq**.

Aningaasaqarnermut Ataatsimiititaliami ikinnerussuteqartut Inuit Ataqtigiit ilaasortaataaasa **inassutigaaat** oqaasertaliussanut allannguutissatut siunnersuut nr. 218 **akuerineqassasoq**.

#### **4.3. Aningaasaqarnermut Akileraartarnermullu Ataatsimiititaliap oqaasertaliussanut allannguutissatut siunnersuutaa**

Aningaasaqarnermut Ataatsimiititaliaq oqaasertaliussanut ataatsimik allannguutissatut siunnersuteqarpoq (nr. 219). Konto pingaarnermut 72.20.05-imut oqaasertaliussassaq nutaaq una Aningaasaqarnermut Akileraartarnermullu Ataatsimiititaliamit siunnersuutigineqarpoq:

##### **Nr. 219**

##### **Konto pingaarnermut 72.20.05-imut Ilaasunik angallassinermut tapiissutit**

Suleqatinik avataaneersunik isumaqatigiissuteqarnissaq sioqqullugu isumaqatigiissutissatut missingiut Aningaasaqarnermut Akileraartarnermullu Ataatsimiititaliamut Naalakkersuisunit tusarniutigineqartarnissaa Aningaasaqarnermut Akileraartarnermullu Ataatsimiititaliap allannguutissatut siunnersuutikkut ugguuna kissaatigaa. Naak inaarutaasumik aalajangiisussat tassaagaluartut Naalakkersuisut Inatsisartut suliamut akuutinneqarnissaat politikikkut annertuumik kissaatigineqartoq ataatsimiititaliaq naliliivoq.

Oqaasertaliussap uuma ilanngunneqarnissaa qinnutigineqarpoq:

”Suleqatinik avataaneersunik isumaqatigiissuteqarnissaq sioqqullugu isumaqatigiissutissatut missingiut Aningaasaqarnermut Akileraartarnermullu Ataatsimiititaliamut tusarniutigalugu Naalakkersuisunit nassiunneqartassaaq.”

##### **Konto pingaarnermut 72.20.05-imut Ilaasunik angallassinermut tapiissutit, nassuiaatit**

Nassuiaatit uku ilanngunneqarnissaat qinnutigineqarpoq:

”Isumaqatigiissutissatut missingiutip Inatsisartut Aningaasaqarnermut Akileraartarnermullu Ataatsimiititaliaannut tusarniutitut nassiunneratigut angallassinissamut isuma-

qatigiissutit ilusilersugaanerisa oqaaseqarfiginissaannut Inatsisartut qulakkeerun-  
neqarput.”

(Allannguutissatut siunnersuut nr. 219)

Oqaasertaliussanut allannguutissatut siunnersuut nr. 219 **akuerineqassasoq** Aningaasaqar-  
nermut Akileraartarnermullu Ataatsimiititaliamit **inassutigineqarpoq**.

## 5. Aningaasaqarnermut Ataatsimiititaliap inassuteqaatai

Sammissaq 10-p ataani allannguutissatut siunnersuutit nr. 66-imit 70-imut aammalu 72-imit 76-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 10-p ataani allannguutissatut siunnersuut nr. 71 **akuerineqassasoq** Ataatsimiititaliami amerlanerussuteqartut Siumup, Demokraatit Atassutillu ilaasortaataannit **inassutigineqarpoq**.

Sammissaq 10-p ataani allannguutissatut siunnersuut nr. 71 **itigartinneqassasoq** Ataatsimiititaliami ikinnerussuteqartut Inuit Ataqtigiit ilaasortaataannit **inassutigineqarpoq**.

Sammissaq 11-p ataani allannguutissatut siunnersuutit nr. 78-imit 82-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 11-p ataani allannguutissatut siunnersuut nr. 77 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataasa **inassutigaat**.

Sammissaq 11-p ataani allannguutissatut siunnersuut nr. 77 **itigartinneqassasoq** ataatsimiititaliami ikinnerussuteqartut Inuit Ataqtigiit ilaasortaataasa **inassutigaat**.

Allannguutissatut siunnersuut nr. 220 **itigartinneqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataasa **inassutigaat**.

Allannguutissatut siunnersuut nr. 220 akuerineqassasoq ataatsimiititaliami **ikinnerussuteqartut** Inuit Ataqtigiit ilaasortaataasa **inassutigaat**.

Sammissaq 12-ip ataani allannguutissatut siunnersuutit nr. 83-imit 85-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 13-ip ataani allannguutissatut siunnersuutit nr. 87-imit 95-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 13-ip ataani allannguutissatut siunnersuut nr. 86 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataasa **inassutigaat**.

Sammissaq 13-p ataani allannguutissatut siunnersuut nr. 86 **itigartinneqassasoq** ataatsimiititaliami ikinnerussuteqartut Inuit Ataqtigiit ilaasortaataaasa **inassutigaaat**.

Sammissaq 14-ip ataani allannguutissatut siunnersuutit nr. 96-imit 102-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 15-ip ataani allannguutissatut siunnersuutit nr. 103-mit 105-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 16-ip ataani allannguutissatut siunnersuutit nr. 106-imit 111-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 17-ip ataani allannguutissatut siunnersuutit nr. 112-imit 134-mut, 136-mit 164-imut, 166-imit 2015-imut aamma 207-imit 211-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 17-ip ataani allannguutissatut siunnersuutit nr. 135, 165 aamma 206 **akuerineqassasut** Ataatsimiititaliami amerlanerussuteqartut Siumup, Demokraatit Atassutillu ilaasortaataannit **inassutigineqarpoq**.

Sammissaq 17-ip ataani allannguutissatut siunnersuutit nr. 135, 165 aamma 206 **itigartinneqassasut** Ataatsimiititaliami ikinnerussuteqartut Inuit Ataqtigiit ilaasortaataannit **inassutigineqarpoq**.

Sammissaq 18-ip ataani allannguutissatut siunnersuut nr. 212 **akuerineqassasoq** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 19-ip ataani allannguutissatut siunnersuut nr. 213 **akuerineqassasoq** Aningaasaqarnermut Akileraartarnermullu Ataatsimiititaliamit **inassutigineqarpoq**.

Oqaasertaliussanut allannguutissatut siunnersuutit nr. 214-imit 217-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Aningaasaqarnermut Ataatsimiititaliami amerlanerussuteqartut Siumup, Atassutip Demokraatillu ilaasortaataaasa **inassutigaaat** oqaasertaliussanut allannguutissatut siunnersuut nr. 218 **itigartinneqassasoq**.

Aningaasaqarnermut Ataatsimiititaliami ikinnerussuteqartut Inuit Ataqtigiit ilaasortaataasa **inassutigaaat** oqaasertaliussanut allannguutissatut siunnersuut nr. 218 **akuerineqassasoq**.

Oqaasertaliussanut allannguutissatut siunnersuut nr. 219 **akuerineqassasoq** Aningaasaqarnermut Akileraartarnermullu Ataatsimiititaliamit **inassutigineqarpoq**.

Taama oqaaseqarluni aningaasanut inatsisissatut siunnersuut Aningaasaqarnermut Akileraar-  
tarnermullu Ataatsimiititaliap Inatsisartunut pingajussaaniigassanngortippaa.

---

Jens Immanuelson,  
Siulittaasoq

---

Steen Lynge

---

Jess Svane

---

Tillie Martinussen

---

Naaja Nathanielsen

---

Sara Olsvig

---

Peter Olsen